

ԳՐԱԿԱՆԿԱՆ—ՊԱՏՄԱԿԱՆ

Ա. Ղ. Օ. Թ. Բ.

I.

Ողջոյն հայրենիք, ողջոյն ըուրաստան,
Ո՛վ դու բերկրալի երկիր եղեման,
Ահա եկել է քո պանդուխտ որդին,
Ծուլորում է քեզ իր կեանքն ու հոգին:
Բայց, աւանդ, ինչո՞ւ այս ուրախ ժամում
Միայն տխրութիւն տիրեց իմ սրտում,
Եւ քո միգապատ լեռների նման
Ես էլ քարացայ, մնացի տրտում:
Սեւ սեւ ամպերը ամէն մի կողմից
Եկան, կոտուեցին դժբաղդիս գլխին...
Միտոս խաւարեց ու յանկարծ նորից
Ինձ պաշարեցին ցաւերըս հին-հին:

II.

Թշուա՛ռ հայրենիք, այս ի՞նչ եմ տեսնում:
Տարիներ, դարեր սահեցին, անցան,
Բայց քո տանջանքին դեռ չեղաւ վախճան.
Ամէն տեղ հրդեհ, լաց, սու՛ւ, տառապանք,
Ամէն օր կապանք, մահ ու աքսորանք—
Եւ խեղճ գիտացու վաստակը դաշտում
Մնում է՝ փտում արեան գետերում,
Իսկ նրա եզը՝ դեռ լուծը վզին՝
Դարձել է արդէն գայլերի բաժին:
Ո՛հ, ի՞նչ սոսկալի տխուր մերկութիւն,
Ի՞նչ սարսափելի կեանքի դառնութիւն:

III.

Ահա՛ յուսահատ, որբիկ գեղջկուհին
Ուսին կապելով փողբիկ մանշուկին,
Մուրացկանի պէս՝ մերկ ու վշտահար՝
Անցնում է գնում մի օտար աշխարհ...
Բայց ո՞վ կը լինի խեղճերին պաշտպան,
Ասա՛, հայրենիք, ասա՛, սիրեկան.
Եւ քո կենսատու, անոյշ ջրերից
Ժարաւ աղքատին մի բաժին կը տա՞ն...
Տխրալի օրեր, օրեր հոգեհան
Մընաց մանշուկին տանել յախտեան,
Եւ մայրը նրան մի անապատում
Պիտի օրօրէ չազարի նման:

IV.

Ո՛վ Դու երկնային արդար Դատատը,
Աղօթում եմ՝ ես՝ կանգնած գլխակոր.
Այդ խղճով որբը—իմ՝ եղբոր որդին
Յանձնուած է, Տէ՛ր, արդ .քո սուրբ կամբին.
Տես՝ անբաղդ մայրը ամայի դաշտում՝
Մոլորուած՝ նստած, ողջում է՝ սգում.
Իսկ նրա քաղցած ու ծարաւ որդին
Մատնուած է արդէն մահուան տագնապին...
Հին Բերսաբէի չոր անապատում՝
Հագարն էր մի օր այդպէս արտասուում,
Եւ նրա ծայնը քարձրից լսեցիր,
Իսկ այս խեղճերին ինչո՞ւ չես լսում:
Ողորմի՛ր դրանց, աղաչում եմ .քեզ.
Այդ մերկ որբերին մի՛ թողնիր անտես.
Ժազիր վերջապէս մի լոյս խնդութեան,
Պարգեւիր դրանց մի յոյս փրկութեան...
Ա. ՄԱՍԻՍՅԱՆ



ՀԱՄԵՄԱՏԱԿԱՆ ՏԱԽՏԱԿ.

ՊԱՏՄՈՒԹԻՒՆ ԱՂՈՒԱՆՑ Մ. ԿԱՂ. ԵՒ ԳԻՐԲ
ԹՂԹՈՑ ԱՆԱՆԻԱՅԻ ԿԱԹՈՒԼԻԿՈՍԻ.

(Շարունակութիւն)

Ա.

Արդէն Անանիայի կաթուղիկոսի կոնդա-
կից, որը քաղուածք է Աղուանից պատմու-
թիւնից, չօրս հատուած հրատարակեցինք,
օրինակների բազմազան տարբեր ընթերցուած-
ներով: Որպէս զի հետաքրքրուողները գաղա-
փար կազմեն թէ ինչպէս 1289 թուականի
Աղուանից պատմ. հիմնական օրինակից ընդ-
րինակուելով մինչև 1829 թուականը և այս
թուականից էլ մինչև 1860-ական թուա-
կանները (Աղուանից պատմութեան տպագրու-
թեան տարին) որքան փոփոխութիւններ և կա-
մայականութիւններ են մտած բնագրի ընդ-
րինակութիւնների և տպագրութեանց մէջ,
այս մասին գաղափար կազմելու համար բա-
ւական ենք համարում հրատարակած հատ-
ուածների տարբեր ընթերցուածները ծանօ-
թութեանց մէջ. իսկ այսուհետև միայն եր-
կաթագիր օրինակի և երկրորդ խմբին պատ-
կանող օրինակների տարբեր ընթերցուածները
կը դնենք ծանօթութեան մէջ: